

## PREDGOVOR

Knjiga „Menadžment drumskog transporta“ nastaje u periodu velike recesije i surovog tržišta, ali i u vrijeme stasavanja novog profila transportnih kompanija, savremenog pristupa menadžmentu, te primjene novih tehnologija i vještina menadžera-logističara, suočenih sa izuzetno zahtjevnim i iz dana u dan sve složenijim kriterijumima i standardima transportnog tržišta. „Menadžment drumskog transporta“ se predstavlja sa jasnim ciljem da bude svjedok vremena, Vaš podsjetnik, savjetnik i najbolji prijatelj.

Prelazak sa klasičnog načina razmišljanja, kod većine menadžera u drumskom transportu u odmakloj fazi prestavlja reformu i promjenu pristupa. Zadatak koji se postavlja pred menadžere, arhitekte transporta, logističare, je kontinuirano praćenje savremenih tokova, usvajanje i primjena novih vještina kao preduslov za opstanak na sve zahtjevničem transportnom tržištu. Svjedoci smo svakodnevnih promjena u preraspodjeli kvaliteta i kvantiteta transportnih usluga i samog tržišta. Promjene zahtijevaju svestraniji pristup, kako pojedinca, tako i cjelokupnog tima transportne kompanije, radi osvajanja ili gubitka, odnosno opstanka u rasподjeli tržišta usluga.

Evropska unija posredstvom svojih mehanizama, direktiva, preporuka, mišljenja, zaokružuje proces regulativa koje ograničavaju ili umanjuju mogućnost improvizacije na drumskom transportnom tržištu. U dokumentima, bilo da je riječ o EU direktivama 96/26, 98/76, 2003/59 ili 1071/09 njihovim dopunama, želi se stvoriti okruženje u kome ozbiljne kompanije imaju mogućnost napretka i opstanka. U našem objektivu, često na pogrešan način tumačimo pojedina poglavљa

i odredbe međunarodnih preporuka, naprosto one su plod kompromisa, nauke, ineteresa i težnje ka uređenju tržišta. Vječita dilema i otpor se javlja na relaciji "moram i trebam". Ako je lakše shvatiti, "pravila igre" se moraju poštovati.

Knjiga „Menadžment drumskog transporta“ nema čarobni štapić, ali svakako nudi da na jednom mjestu dobijete osnovne alate, oruđa, pomagala i podsjetnike za rad. Broj transportnih kompanije prije ekonomске krize doveo je do inflacije kvaliteta rada, pa je prekobrojnost i neloyalnost bila nepodnošljiva, zato se nadamo da će rezultat "preslagivanja" transportnih kompanija biti evidentiran u smjeru kvaliteta. „Eldorado ekonomске krize“, kako je u jednom momentu označeno iz ekonomskih krugova, za posljedicu ostavlja trajnu promjenu filozofije transportnih kompanija. Bitan je kvalitet rada i eliminacija kompanija koje su zалutale na tržište usluga. •

Svojevrsni udžbenik „Menadžment drumskog transporta“ namijenjen je menadžerima transportnih/prevozničkih kompanija, kao podsjetnik i savjetnik, budućim menadžerima kao izvor osnovnih algoritama i pravila upravljanja drumskim prevozom, studentima, učenicima, pripravnicima i budućim stratezima, kao kompilacija na jednom mjestu melodijsa za ulazak u svijet drumskog transporta.

Za Vas smo satkali jednostavnu, tehnički dobro opremljenu i nadalje korisnu publikaciju, te predstavili kroz 27 poglavlja, počev od osnovnog algoritma rada drumskog tarsnsportnog preduzeća, kao inicijalne kapisle daljnog napredovanja, menadžmenta i organizacija, primjene ugovornih obaveza, primjene EU direktiva, preko konvencija, procedura, do modernih tehnologija transporta.

U udžbeniku dajemo alate neophodne za vođenje, upravljanje drumskim transportnim kompanijama, s ciljem da na jednostavan način približimo realne modele i praktične primjere rada, funkcionalisanja, te primjerima dobre prakse procedurama i algoritmima olakšamo sagledavanje određenih procedura tokom rješavanja svakodnevnih zahtjeva tokom prevoznog procesa. Priredili smo najmanje 100 slika i 20 tabela, kao model podsjetnika i lakše usvajanje vještina, iskustvenih normi i strogih pravila.

Menadžer drumskog transporta u obavezi je da prati nove promjene, dešavanja, predviđa, procjenjuje i na kraju odlučuje. Menadžer je

u obavezi da kroz cjeloživotno učenje uvijek bude spreman na nove izazove, transfer znanja i umijeća, te uz podršku vještina svojoj kompaniji ostvari dobit.

Knjigu smo napisali u ubjedjenju da sa vama podijelimo akumulirano iskustvo, znanje i vještinu, a od Vas očekujemo da na uočene propuste ukažete i tako doprinesete kvalitetnijej publikaciji u drugom izdanju. Svijet se mijenja!

*Autor*